抱

然至

堂

文

集

為詩不假繩 公文白郭公庶蕃王 色型生と長 序五 被 能 先大父書蒼府君之遺詩也府君生七 從 蠅 出門為負米計稍 師問業母朱太君自教之年十四豆創新愈即 頭字錄置 先祖春 其往 削 / 这个一个 來尤 而自工所交皆 柳堂詩鈔小序 行箧中旣常客遊遂廢舉子業壹 密者同里馮公山公景公亭 公玉 暇則讀書書皆借之人遇 東里 樞也詩稿多散失文界 盧 内 時名士 ıþ 文 弨 歲而孤家 晚年與同 紹弓 所

請府 於達 時時為 呼 習讀者當 冠之年 1 料檢鈔之 府 同 1 行歸 意而 君察其意 41 17 17 1 1 A 想其中 多方搜錄 相 說先代 府君 一成四 晚 自得之 止 然 Щ 立身持家之道 至 疑之 古 路犖确足繭 猶億府 卷 C 誠 先 綜為 文 弨 郎今本 願 風 進 屛 歸義松 雅淡近 乃出京之每自恨 隱處 思道晚泣 君言少 幼年大父親自 也 編 律安 府 自 明為 於 不能 及生 置 年買絲餘杭 後復請桑弢甫先生 君詩未嘗 向 旣 函前抵 和絕遠纖經 鄉導距其家可 平 눼 邴 以孤 督課授書之 館 原 所經艱 規基 初 空 露 來倉皇 LL) 鴚 中 姚巧 能 家 数 館 與 隙 期 號 館

手定 撰 繼 老泉 為 世 旨宛然 自 而 名鑒字惟 小序猶前志也獨不能為院花之宗必簡斜 貅 新 其後 子奮擊殺 以是為 至先生父任雲南晉寧州 巡 汪 檢 安徙餘 津夫先 在耳故 與二 人安國穎 無窮之愧耳 數 生詩鈔序 姚當明 輒以所聞 字津夫 賊奪得父尸 樹 敏樹 達為序之 神廟時有諱秉懿者為宏 政領 者 姓 Ħ 所 附贅之昔詩書 汪氏唐越國公之後 4: 述 吏目先生隨之官 文邓是以不避 在今因 兵殺 官匿其事故不 板 賊眾寡不 乃夫 編 狂

抱經堂文集《卷六 同 一般甫 岌 弟 歸 以交先君子道 費 越 昂 扶 歸 閒 先生不 柩 買舟上 師里 先生 誓而 從 姚 溪屋 江 柩 重 舟 後 忍責 不之責每為 錢唐就先君子宿余方總角卽 竟免廉范 梨 輒 7 入漢 設相孚先君子兄事先 時遠宦不幸 朝 小 與同事 夜 圃 植 江 悲 先 之 働 生 遇 趣 花 危 뵨 聞 所 解 風 將 顏以 大儒勞餘 者 Thi 此 所 咸 覆 爭 死 一賣藥於城北 者率火化之 英異見賞 謂誠孝所感余 先生號 相仗助始得奉 謂梅津草 生 雅聲恬澹沖 山 先 如 泣 · 堂者· 生 樂 弱 呼 同 之冠後 氣 親先 天 因師

成進 墨之 桑先 之間然眞氣旁薄陵 配 誌或為之 後 故據其大暑以 ŀ 表 生 抒情磊落傾寫 洗
并草堂 . 援 歸 所定 戴剡 自 俗響之陋 水水花 非曹蜍李 而 . M 💆 傳皆 屏定 謂足 遺址亦不復 先 確 生 其先 補之 一基草巳 闪 見本集中 見其 志 轢 不 詩 世 先 泊 屑與文 生嘗修家證 宿 諸節義事亦賴 軰 門 切豪邁之 辨為 晚而序先 桑先生 乙未 変乾 所 孟 · 烯 嘘 得望其 傅以貧客遊 墨 於 性 一躍然時 較 生 進 久之此 隆 一詩不 項背 平交舊或 耐 辛巴 拙 表 獨 姓. 喜 也 詩 周老 於 露 及 非 進 自 於 云 出 集 卷 楮 經 許

壓官 詩雖 地 絕句百首定邊為 其 即套 Z 姚 於其君下 風 雖 知矣我 奚稗馬今 夷 題 俗 統之盛奔 合以武 物産 世 驵 魯特 明 圉 與他 Ż 制文有監司武有 **猶以** 走 刻 屏 戴 君 之 宰 定 逸 延 又不能表彰勳德傳述其邑之 臣 郡 展駅三 一級門戶 姚武 攝 縣無 偨 縣事 功稱之 罔有內 自 詠其風 絕 六年 勝國以前皆 殊而合之)願伝 副戎 鄂 也由 功在 不 田田 詩上之無 唇為 十餘 屬 相 弾壓: 嚴 車 香 趙長 疆 山

九 紀 生 文集

卷

棟遣 行殿 也迎堂女長一条一 卽 者 宗時始改 則備 具 邚 縣 是邑之誌 僅 深仁 此 叫 而歎儉德之 外之 以廣見聞者亦以餘 長 訪邑中節義之事奮筆為闡幽以 四 者 閱 厚澤澍濡含育 子吊祭經理其妻子備 勤於其教者咸甄錄不遺馬 君臣 為縣兵額視前明減十 月以憂 乎此 隆視 體之深恩始終優即之盛典更鑒 固 去官踰年卒於長安君 非武 和 耕 戸口滋息嗚呼盛矣君也 功之 力 而 識昇平之 及之邑故無誌是 所 至邑故為定邊營 得 九 而媲美 ġ 至鳥爛草 深其領殿 及我 福於篤舊 及隱者藝 . .* 者 姚 詩 也 有 瞻

為戴定 獻忠 明之 遺 はいしとして 計 篋 何 話 靜 盗 鈊 所 邊 詩 垞 志 足 道 以 氏 張 中顏不之 稱 居 村 、必有成 一詩話 献忠 輯 配 而邑之 姚 明詩 ナ 實 武 序 目 說 功 書 詳矣 h 綜 及 丙 然 百卷 有過 此登 首 事 斯 申 地 鈔之 至 即 其所 雄前 見 毒 在 他 亦當 自 所 傳 為 **余謂**古 逸 及 餘尙改 叢 宜 傳使 爾 也 訉 有 削 但 裸 中 載 後 **卵**雌 而 簱 目 E

抱經堂文集《卷六 道 源疏李何王李之派杜公安竟陵之濫其持 見今鈔出自為 為近正馬余是以樂為著之 M 基 以開物成務冒天下之道以為創也其實因 河 四 圖授義義因之 以餘閒就為 日東里後生盧文邓序 之其說顯肯於聖 卦象之本於圖書故於大傳具明之劉歆始 地別 江慎修河洛精蘊序 始也惟聖 整理錄成二十二 書則於辭義別有不得不少 一而畫 入能通之故圖書啓而 一卦洛書錫禹禹因之而演 八孟堅則 Z Ľ 乾隆四十 知其 卷導高楊張徐之 五 相 論視前 為經緯 也孔 卦象 加 增

物 所 要 者後 引 圖 其 書之 然亦不能言其詳中 伸 智有所不逮識有所不 知 當其時 خ 垂示 來儒 歸於是左之右之皆逢其原 馬参伍 學不 余道其師 理 妙作易之旨乃更發前 者 後 미 理 得 而 適 漸 不外索而 者其道温 錯綜馬舉天 推 **视為懸遠者也向者吾友戴束** 如是而 江慎修先 漸 擴或縱或橫 得使天之 E **閉失傳至** 大彰 風 到也 生之 下之 會日 顯 人之 加 於時 趙 學而歎其深搏 所以 事 開 論說或有 因其體 宋諸 智慧 散 所未發是 事物物無 是 開 而 為萬 乃聖 聖 儒 以究其 日 出 所未 出 賢 非 聖 原 萬 更 丽 前 用

時諸 能 於前 未能 該 勞先生之學 也 6 河 無使 地鬼神之奧萬事萬物之贖罔不摘挟 傳 以竟學吾 洛精蘊內篇三卷外篇六卷 於世者何少近歸安丁子小雅館於新安 邵子朱子之說宣 議 岩劉長 不越 論 便竟不及其在 而斷其是非如 本 民 師 也 桑弢甫先生 通 程朱以 胡庭芳黃石齋之 天地人之 加推 致 數白黑然洵 知格物為首 闡更資萃明代 卽 學於姚江 調儒非先 見示受而本讀 **椭而至** 親炎之 書亦當咀 務故 生之 可 呈 謂

抱 是而有悟焉是其為賜 終晦矣勞先生之書吾師 無不 遺 記 衣終老於 **友戴君** 經堂文集人卷六 旌 經 圖 句 者皆有以得聖人之 究其 德黃君雲甫復版行之使有志於聖 逐 戴東原注屈原賦 能探 股 東原自其少時 割 鄉 形象較其 里 圍 亦與江 記 人之心於千載之 奥指具見疏抉其本 也 經 同 序 先 小記諸書 大矣鱼獨有功於江氏 具推 通 一聲音文字之 旣壽之 精之蘊而道庶幾乎萬古 生同異哉 J 論其所以 **H**. 黎森 又 一既著 以 天不愛道 學以 餘 然之故其 矣今江 一學者 詩 為 補 是 傅 得 E 水 原

若放 文 抱經堂文集、卷六 **草無次第不盡作於頃襄王** 地冀往 以為夏 意九歌東皇等篇皆就當時祀典賦之非祠 說之者之 確舉 先君夏 此 相參定薜荔拍母蕙綢王 恣怪 為 何物 遇今之淑女用 太康宏 類此夫 誦 康娛以 過 不盡 乃引釋名博壁以席搏著壁增成其義 解 逐 屈 約義粉 **動於** 調其 自 子之志昭 所 縦 解之 輸 Œ 在 謂康娛連文篇中凡三 良良 寫其哀無賢 及有娀有虞皆因其 理確其釋三 一時懷 平日 逸釋拍為搏壁近代多不 曲 盡善戴君 尨其文 月而 沙 解 一后純 後世讀其解 篇 而昧其指 與己為 則以史記之 神所歌 粹謂指楚 見不應 思 侶 趣

無有 老之後而其學足與之 一時嵬羅拔擇不 友新安戴東原先生生於顧亭林間百詩萬季野 出其所學上 辛苦著述難必後世之有子雲者其幸不 之業不為 之 不醇者此其識不亦遠過於班孟堅顏 歸其書而為序以治之且怨恿其成云 所云乎余得觀是書欲借鈔旣聞將有為之棒 亦可以学於友以视稿 戴氏遺書序 pJ 4 時之榮而其道有兼得者則以遭 使魁磊宏碩之彦終沈霾於草澤 以契於 戊戊 匹精 詣深造以求至是之 項黃馘而 幸 命未沾 介劉 何 如 季 諸 也 際 和

成喜 當過轉其辯 嘗使客氣得參其閉冷然而 有眞得 抱經堂文集人卷六 變易當世之 者方足 致病竟不 與會試中式者 指東原用薦者以 異之 開 以為得發抒所學矣閱四三年 故能折衷率言而 四庫館以 以稱 聲譽遂隆隆 以排擊背 起 | 視聽 此 叉天 網羅放失 同 鄉貢士 赴 而實至 人而 趉 無 廷 一名歸 雠校 入豁 求伸其說其為道若未 起家入館充校 對存升 所為同聲 矯之 然而 之司必得 失其著為說也 翰林天 而東原以 名公卿賢士 解 八 理构明矣未 如劉 理 勤 向 聞 其

飢 旣 館 渴 巳官為 斻 樸 雕 所 竊 不 蝕 校定 編 為 ورا. س ملم 以其先 喜其精審為之 m 知 希不 矣盖 然愿 無肎為之 於飲食尤 版 經 大戴禮 易慮而 成若 行而 Ž 文字九經字 夘 能 今年春 則不愛不愛 بر 其遗 為 Ē 收拾古今若 亟 好· 水 為 作序固宏其臭味之 表章古 可傳 種寄余 書 經 得 版行 様 曲阜 注 **尚夥或不免有零墜之患** 加 其遺 祀者 余於是大慰東原於 人之遺文墜簡嘗校 則 不 \mathcal{H} 能使 ĿŁ 孔君族谷書則已為 經算術孫子算經等 聽其 者多矣淇谷嗜學 書以公謝天下之同 正之 後 世之 疑者 紙 刘墨 無差池也 心傳 闕 Z 敝 東 是 椊 鼠 況 令 幽 意 唐 老 書 平 平

福世 常有 杜當 其書者之尤可歎也 別が出いまして、主人 書出天下後世必有能鬧揚之者余是以不為東原惜 朝 世族譜本之 卷 且 右文之盛治其功良偉匪特不負良友而 為東原幸轉以惜夫古 其長歷本之劉洪乾象歷地名本之泰始 陽旣為春秋左氏經傳集解三十卷又著 學者使諸老師碩 又無知己以致灰飛煙滅徒有其目而卒不得見 、焉踵起代與以温光我 孔 百城 古史官世本今惟集解盛行而 はいい 補 社氏 儒 釋例世族譜序 綫相延之 人有是學而或不遇其 緒不墜於地 甲 辰 巴東原 釋 郡 例 國 加

特甚 书 足 國 ř. 亦 來 歷 氏 志 がとうと 四 無滯 譜 無 紛 他 十四國其末以古 長 僅 地 而從之於是 名 所難 程 若 公孝廉百城 者幾 錯 氏之春秋 定 兩 馮氏之 五卷 雑 使不為之 種善本先棹以公諸 一疑亦未全之書曲 經與傳 此書 以前固難考 哉考崇文 名號歸 廣林 分記雖皆不能 乃粲 甦 殏 綜 名譜終馬所采輯 有意補之 即傳之中或名或字或 胍 而答萃 圖 然復明於世余惟譜諜 井 目 巳岩當春 有層 阜孔 近 世而 代馬氏之 凡 之其能 無所失然 農部 世族譜 十九 秋 之時交 多據孔 淇谷訪 桓七 亦擇 世系圖 國 則 記 臓 族 暂 殘 叉 杉 祭

諸書之參證也百城索余序諾之有日不果作今忽聞 然由唇而來其可訂補者今皆備於斯矣固亦無藉於 秋温族譜 抱經常文集尽长六 圖 孔子家語惟明末虞山毛氏汲古閣本為獨見王 不僅以近時處山毛斧季晉江黃爺節輩相比擬 亦其 考之唐 部君新棄養其志業之未竟者深有賴於後之 五卷明焦氏經籍志尚有春秋宗族名氏譜五卷 **丁道之無忝也** 重 也因亟序而歸之余之所望於百城者大蓋 刻何註孔子家語序丁亥 卷春秋名字 , 註書所引合者為多 與同錄 卷近亦多未見

难謹 其徵引諸書 簡公後 外 乃粗就緒 何公此本當亦綴緝而成由其未及見毛氏 師 至不 也 刻 非 占 則唐以前其本業已不同吾又惡 本 | 註漢書藝文志家語||十七 皆 行世今泰吉唯恐此書之復失墜 古那公 可句余惜其功力之徒勤也許為校 、泰吉 而官齋 削 同異復極詳備其家欲刻是 表章於世使為人子孫皆如此 以公所註孔子家語來上 叉當註大戴 所有之書不多其所不知 失其本眞余試梆 禮問其家已失之 卷云 知 州 註簡覈明 也兢兢 書然鈔 非今所有 日有 何公所據 本故耳 徊 訂至 之故不 則 明何 闕 年 如 也

.

5

著而為文此文之所以為古而始足重於天下然則 聖賢之所以垂世而立教者莫著於六經後人 世手澤咸可無散俠之患已 經開發聖賢之微言大義以啓迪夫後知後覺者於是 就正之其能無遺憾也哉 附管測於後與本書不相消亂惜乎何公不作不獲 調古文者非古於辭之 日のエデビングジーメント 從集作宏治但註中載有正德年所上 正德者然固無妨序先出也註所未備閒為補之 古矣宋與承五季經學廢絕文章骯骸弊極之 新雕柳仲途河東集序乙 謂也言古人之言此文之所以 何公戶此書年 泖 一疏故別本 月不 一後有 、誦法 同 所 Î

於知人 卓然特立不為風氣所囿奮力直追古之作者以求其 無涯族而因有狹小前人之見以為氣鬱輻不宜通辭 事作始也難承藉也易人但見後來之閱肆彪炳浩博 ナイストコフィー 能近於道也其言日古文者非在解澀言皆使人 所以立言之旨而 人之行事是謂古交吾若從世之文也安可垂敎於民 艱澀不流暢幾使不得與於立言之數隱此豈可謂善 遵而使後來之聞風而興起者這張皇而揚厲之天下 誦之也在於古其理高其意隨言短長應變作制同 目吾力學十餘年非古聖賢之所為用心者不 八論世者哉吾於宋初柳仲塗先生之文而歎其 一本之於經獨示天下以正路之當 八難讀

塗 本矣孔子 紹矣懼 詞 聖 其 明 自 得善本 也 將開古聖賢之道於時也將開今人之耳 廣 "其畫· 者 棄 必欲開之為其塗矣使古今由 知 ൬ 而造 師安 而 也其言如是 無 而付之 也 自樂矣又日吾初名局愈字紹元 狂者進 倘 有 得休其言為 而 叉欲進其力於道故易名曰開字 專古者非 必先足 剞 存此 剧者 取周子 可以觀其志之所蓄而文之 非但 乎已 今蘭 樂於 河漢也其文集好事 日賢希聖有志之 谿柳 生書游承其 而取其貴者 可以 書 於吾也 也 學者觀 吾欲達 一既肩 士自當 目使 斜 也 聰

也有 詳馬沈敕荆溪外紀及唐鶴徵常州府志亦備載之 吳封禪 斯道所重賴者也豈獨以其文哉考宋史本傳其居官 今聖 由其地處僻人罕得至但得雅拓本導之故不能以 倶不能無譌誤且其文字可讀者向多而率皆遺脫蓋 託空言以自見者矣後有志士讀其交思其人得 而思自奮與 剛鏩之才先幾之 賢垂世立教之心得以縣縣絕絕相繼於不墜 始著錄於雲麓漫抄厥後吳人盧公武改之 國山碑孫皓所立在今常州荆溪縣西南五 吳國山碑及序 一識治績舉皆有過人者更非徒 Z Ē

釋文為之攷核辨正幷資萃古今八題詠及古蹟之與 之合其有文者其得四十 陳壽吳志之誤日是碑天冊元年所立吳志書於天文 是山鄰近者咸裒為 同一語ならてJang Wick で 辨也海寧吳槎客客遊宣與好古搜奇不憚危阻當再 石錄所紀數畧相等他皆不及也於是為之圖說為之 元年此不辨碑交之過也碑云旃蒙協洽之歲受上天 土壓乃以柔兆涒攤之歲紀號天璽丞相沇等咸以 二過馬於其文之摩滅者成得審其界将 一編名日國 行凡千有餘言與趙氏 山碑及余觀其首 一年也又碑有國 而指 知

114

嘗為之效矣此在通都大邑得見者多而是碑久隱翳 羽飛当る事に光ブ 於樣莽虎豹之區微槎客之天機清妙與寄高遠者為 所謂天發神識者今度江寧學官康熙閒祥符周雪客 雪 容本不待余言而余之視前輩復不遠遠甚聊因 客所為及秀水朱錫鬯為之序今槎客之書實遠勝於 大下有生而嗜殺人者數無有也至當官每敢為殺 **厚之意逐為之引其端寧足為是書增重哉** - 年正月十日盧 亥 弨序 居官必閱錄序两子 乾隆

苟免也然其實正大不然以予所見近世行事多矣閒 哉夫為身計卽不暇為小民計以為利可苟得而害 庶事之不理舉皆可以殺人苟非殘酷不仁之極推 也歟古 真為治者之龜鑑也因卽元本畧加校 歷觀史家所載天人感應之理還彰彰馬每欲輯古 然是何也毋亦利害之見殺於中而有重於去官之心 本心豈 之事刑罰不中此特其 日記を出て加込した 更事係勸懲者為 (傳然此豈徒以冥冥決事哉 人有言自安之道在人之死斯豈獨治獄為然 樂於為是者及其為之則又若迫之以不得 一書及見葉氏此編乃先我而為之 耳水旱之不恤賦役之不 · 讎重梓之 3

漢文 雖至愚亦曉然於利害之數不同若是縱不為民計 顯權 者有惡名又法之所惡也而其甚者身死妻子為戮 有賢名 明之子 自 好惡貿 天子惠鮮懐保唯恐 糸当ろり 美名 人景而 為計夫 貪 (酷者被重譴然則擇術者將何從乎夫 上之 m 亂此其智居何等也夫吃於利害者還以其 故喜斯編之有功於世甚大也若 叉法之所賞也而其子孫俱被其澤為酷 報應之 利害之說儒者所不道乃臨事而是 邇 パペノ 以総姦養 凡封疆大吏以及郡縣之長循良者曆 說俗吏便交自營之計耳豈非殺 一夫之不得其所仁心仁 **亂此正朱子所謂** 己 鄙儒 乃徒慕 為循 产非数 政駕

雙聲天賴也童見婦女生無石 或不由於是蓋 讀者可無誤馬 音聲者宮商角徵羽 歌永言聲依永律和聲詩序云情發乎聲聲成文謂 連用者謂之疉韻則又顯而易明者矣虞書曰詩言 合者古 抱經堂文集《卷六。 其情志而律自隨之耳三百首篇窈窕為疊韻參 雜比為音今取唐虞之詩改之舉未有不然者本 者哉予旣推廣斯編之意而又為明其指如此庶 杜詩雙聲島韻譜序 、制物之名制事之名與夫形容彷彿之辭 一本於自然而非強也若其聲之同 也鄭氏謂宮商上下相應單出 師 而矢口成音無不 į 芜 暗

其離 堂 雙聲兇 不失 跅 屺 初 雙 Ú 未 有 **赡先生之** 就塾以來 問 咦 彭 平 嘗勞勞於 裁吳槎客騫錢 隔 鳥在 余雖 韻 和 其他不 也今周君之 字 聲 譜之作舉非余肄業之 青沿 其深於杜也海昌周 成文之遺意後 浸 評学義 兩字而遙應者友人中 勝 淫 是也唇杜少 郷俗 校 **涵濡而卒無暇** 學源 舉後 為是譜也浣花之外又仿 山詩凡 迨長卽不能變其所習嘗見 塘獻之 人始以字母求之而 陵 何中雙聲皆 人習其讀而 固 所 取古 址 所嘗脂意也葢 君花兮於是有杜 稱細 兄弟 如戴東原震段 人之 錢 が律 置其律之 詩 嚴 者故 作詩 伯 標 及諸家 馥 果 自 懋 何 嚴 能 重 辨

者即 胞經生文長、民人 楊衒 始得之也又 其如是也彼詩 此 示後 教之証 毋舍本 也 勤 亦 至六朝 逐字以求其孰平孰 勤 有王 其書 如諧 盛也 而專治其末乎余日 如 所當宗庶 光 乃始 何害乎性情哉葢 可 平側之 濫 或 狡 **藤錢詹事為之序矣余** 一欲明 人之以雙聲與雙聲若虛韻之 也今人荷 有明言雙聲 詩以言 平志 平詩之本 出於自 芯 側也份難 和音雅而 達情 不 者南 郑 然 然彼不能詩 F 此 古 而已 由少 爾 亦 而 舉合於律 如 岩 非強 叉徇 為 能詩者 陵 K 必 皆明之 **闕事矣周** 劉 拘拘於是 勰 探 而 溯 相 北 初末 力 強 將見詩 故 索 為 為 百 詩 問 配

末 遣 家子幹 之將使人 錄以遺余余得之喜甚凡諸經之義疏史籍之所載 禮記解詁而隋唐志皆云禮記注當由後人改易本名 卷則二 既然補余之 捃拾 壯歲見朱子之言日後漢諸儒說禮甚有功而 服官少 不內熱也武進城生在東研求遺經志甚銳力 即祝家相傳文字音讀之異同 且獨舉其名意竊慕之改後漢書本傳載其作 **퇡盧子榦禮記解詁序** 十諸書略同後人無傳者余思就所見暴輯 暇顧又奔馳道途終於不果歲月空擲念之 謂余強不知以為 關日度不盈六十而所輯 知 也其又奚靡 庚戌 E 東然成 句 が吾 卷 む 無

抱經堂文集不卷六 子榦 得安亭其成幸之甚愧亦甚焉夫子榦有功聖 於子榦後世至不能舉其書之名莫為之後雖美不 **已為則必成余為盧氏後** 從 傳 賈 其聖廟從 今有 雖 祀 無 諸儒為 與 議 (鄭康 所可見者乃不 玷大節 巳散失 在 在 集中其事不果行然公論自在 東其人以英敏之 成同事馬融 條 祀 炳 而後 而 疏 炳著史策乃明 改祀於 人為之 而 書 及十之 人乃悠悠 大 今源氏三 鄉吾里杭基浦前輩 **报拾其卷軸** 顯餘岩 資乘精銳之力不為則 張璁輩輒 忽忽以迄於今 周易尚書及尚 稻不甚 天壤必 矣 經 有 為 約 搟

學樊光李巡魏有孫炎為反切之 附 雅者所必宗也今唯晉郭璞注盛行而他皆失傳郭 能 交古 及之 識 繼 言凱以為孔子門 請者並余小子私以為氏族 夏 壁 義 訓則不能通六藝之交而求其意欲識古 爾 叔孫通 近者求之爾雅 雅漢注序 不能盡 詍 時散見於唐人諸書中 輩續成今城生在東從揚 通往往以己 西 作其為注者漢有機為 書舊說謂始於周公孔 一意更定及古之 學所自始是皆 光散因讀此書而 其為郭 子雲鄭 病 説 個

與其陸鄭之 包图的文息》名 其所長而不曲護其所短由 然其是者必賢於後 各異以吳人解越人之言縱不盡 士必不遠馬故吾亦不謂李孫諸 卷庶乎遺言之不盡隊也夫時之近遠獨夫 東里人 至矣吾因 取者說顧往往勝郭在東篇好古義 盧某序 是從 以 知宋人若陸佃鄉樵之 無寧郭 人所見在東勤勤發 計訓以通經學斯 通 一个相得其六 人之解之 更不足尚 徧加搜 拾能 校 難

The same		yanan kanan)	· .				
抱經堂文集卷第六終			•					•		
經	1									
上		}				,				
女							·			
在										
光] 	
1	'							•		-
第										
一十六										
終									·	
						 -				l
	Ì		· ·					, '		
	:}::							. ,		
		-			 					
						, , 5				
									•	
	,									
			e e							•
	.									
*	1 1 1 1 1 1 1 1 1 1 1 1 1 1 1 1 1 1 1			}						
					j			4.1		

滿 余家無藏書經史皆不具少時質買不知學有本末費 通 記以未見 抱經堂文集卷第七 得數種糞以次觀其全馬官事隙即展卷讀之此書經 史未之及也洎官中書始 力鈔諸子國策楚解及唐宋近人詩文皆細字小 題解 **篋經則周禮爾雅亦嘗節錄注疏** 學士校讐比他本為善然卷帙旣多校者不 重校經史題解 內府新校本為缺然今割俸之所入 -庚午 東里 意經史去冬卒業周 盧文邓 過餘經 紹弓 八先購 及諸

花布堂文件 人名十 其中亦不免 自 之君子亦當有并不及見明世所刻者余故復取諸 庶幾來者得有所考示 與新本校其異同其調謬顯然則做六經正誤之 見其近者今世見朱本者曾幾人 古閣本大段可觀至於 此爲勝今所據依多枉於 標異然竊惟書之傳於世 書其參錯難明則做韓文考異之例寫 不可偏 制 易注 疏輯 舉 | 譌脫 余非 敢索 瘢指 瑕陵掩前 聊從略馬誠和干 題解至丑 小小班類亦易尋求諸本中 斯 相頗也遠者不可得 小學浸廢六書失眞點 惟明世本通行耳 慮 得無足重輕 青毛氏 例 丽

余有志欲校經書之誤葢三十年於兹矣乾隆己亥友 因 梓本前明公私所梓復三四本合以参校其議論亦有 雖然彼亦 秋在京師又見嘉善浦氏錐所纂十 採然循 海外小 示余日本國人山井鼎所為七經孟子考文 、其見聞更廣其智慮更周自不患不遠出乎其 發憤為之刪訂先自周易始亦旣有成編矣庚子 誠不意垂老之年忽得見此大觀更喜吾中國之 一卷於同年大與翁祕校覃溪所假歸讀之喜不 **쎖其於古本宋本之譌誤者不能盡**加 何可廢也余欲兼取所長略其所短乃復 猶有能讀書者頗得吾中 國舊本及宋代 三經注疏正 一書歎 别

孢經堂文集《卷七 私 後 之本字句各異已見於釋文者今亦不錄惟釋文 吾所校 與此書異者著焉唐朱人語之近理者 IE 閣 合亦朋見一二高 氏楷所著古周易訂詁在學者自求之可耳毛 智穿鑿而 正字於郭京范諤昌之說亦有取馬余 緊於有注之下致有大 所梓大抵多善本 (始附) 用易重為整頓以成此書名之 經注之下故毛氏 無所用故 也此亦當出自宋人而未免失之鹵 如欲考經文之異同則自有前 m 周易 一切刊去若漢以來諸儒傳 謬戾者葢正義 書獨於正義 標書名 日周 雕 日周易注 **於**注
疏
未 本自為 謂其皆出 易兼義 破碎割 氏汲 疏 本 明 書 有 輴 何

抱經堂文集一卷七 誤為誤考文於古本朱本之異同不擇是非而盡載 字考文上也旣覩兩家之美合之而美始完其有未 難通而前後參證不覺渙然者則正以其不持擇之 電易遷就之弊今就通志堂棒本所為梭之輔嗣略 余案頭祇有官本亦就校之噫余非敢自詡所見出 官本為近古也周易舊本獨不載釋文於經注閒可無 莽正字亦未見朱時佳本故語亦不能全是此則今之 乃得畱其本真於後世也旣再脫稿遂書其端一 此在少知文義者或不肎如此然今讀之往往有義 更以愚管麥之夫校書以正誤也而粗略者或反以不 七經孟子考文補遺題解辛丑 _ 云 例

按有ा政章 傳寫亦有舛譌其助語致多有灼然知其謬者亦並 氏之 而疏居後其條目有考異有補關有補脫有正誤有 皇朝康熙五年其國之享保十 考文七 子皆據其國唐以來相傳之古本及朱刻本以校 此 其文 頗譏篇第行款之不與古合其言良是不 F 釧)汲古閣本書成當 本國西條掌書記山井鼎之 非後 增損異同往往與釋文正義語多相合但屢經 經者易書詩左傳體 人所能偽作也其次第先經次注次釋文 凡 明代所刻之本彼國具有開 記論語孝經也又証以孟 年也古本祇有經 所輯謂之七經孟 可以其 亦 以明毛 引 與 載

邦遠 後來被國東都講官物觀承其國政府之命而復補其 典以行作 所未倘者也其同校者石之清平義質木晟三人也 弗替今又流 澥聲從此遺編東去後 見唐陸龜家詩中有聞日本圓城上人挾儒家書消釋 他徑堂文集人於七 相傳唐以 皆中國舊有之本遺丛已久而彼國尚相傳寶 循以其古本宋本之誤不能盡加別裁而各本並 而概棄之也其份書經文更多古字別算置 來本之果 正誤謹案諸條亦復不能詳備又其先後 絕送之云九流三藏 入中國讀者當倍加珍惜也其日補遺 可信化此書余從友人鮑以文 卻應荒外有諸生觀此 時傾萬軸光凌激 9 足 知其

置之 **莱置也余欲兩取其長凡其未是處則刪去之不使** 書遠甚然所見舊本反不逮彼國之多故此書卒不 脫誤處皆據本文正之此出自中國儒者之手又過甚 之處多所改正其不可知者亦著其疑又凡所引經傳 柳書於此以見余之亦有志乎此也 師又見吾鄉沈萩園先生所進十三經正字則凡譌誤 立書院中舊藏有通志堂經解六十的而獨關其首 日呵凍書 問頗費葬檢因欲取其是者別為一 題三立書院所越通志堂經解卷首祭卯 5 乾隆辛丑正月 Ţ 一書庚子入京

帙 歟 **抱經堂文集** 補 知余 微翁 裝潢之 但 鈔 了 矣後 書 得 日 能 全 將離 就 首 也 意 以 君 解 全 乃歳 舊嘗監 有諸 之 京 本 欲補之 讀者罕矣唯 有 示 師 力將并 阙 卷 第 同志 余 餘 名 亦 西 乾 更 惟 院 未 丽 隆 此 事 其次 得 所 書 為鈔足 作 為 補 其請 桐城 家 不 苸 懸懸 序 帙 四 借本鈔 至 庶幾 一余同 此 并 庶 未 假歸 而 梓 占 亦亡 其 因 有待 即代 曩 年友 足 也 目 使 之不轉重 友 銯 幷 來 入從 洗 與 於後之 也 劉 尚 謁 \mathcal{I} 中 皆 曾 馬 下 余余 君成之 劉 永 君 閒 大興翁 徧 閼 人燈 樂 余之 帙 錫 林 如 屬 4 辺 朏 令 其 買 還 如

羊墨守十四卷皆何邵公撰鄭康成為鍼膏肓起廢疾 其專治 人乎然不可不畱以相待也 發墨守何見之慙乃曰康成入吾室操吾戈以伐我可 守得五條邵公當日專欲伸公羊然公羊理本短囿於 卷今三書皆不傳毘陵莊進士葆琛 公羊卷帙最多而丛最早膏肓後丛崇文總目尚有 昭陽單閼壯月朢後五日 引廣為搜輯鍼膏肓得廿八條起廢疾得世八條發墨 **曹經籍志春秋左氏膏肓十卷穀梁廢疾三卷公** 題鍼膏肓起廢疾發墨守庚子 一二經從而嚅嗙者尚多有今余雖不及見若 乾隆四十有八年歲在 述祖於各經疏所

列上派という自己 此 歸裝中大可壯我行色 君學上 有 刻從 曲 採輯之多而越膏肓中有 所以獨先也歸安丁孝康 推後人亦不能復為樹立 而鈔之 藏本 其勞余獲其逸設不遠涉烏從見此 重校 上前任晉藩時所進本 而朝廷典故不能 一其中小小異同從其長者不復加以識 關 漏者余往 1/28/21/1 載高誘注為詳不似俗本之 中 新 刻淮南 乾隆庚子小春 子題辭王子 條尚為莊本所關余 小雅鈔得莊書幷得 以與兩家相抗拒 知 互 所以 相校讐晉本不及 月 刪削 輸攻 乎以此置

此 講秦太史敦夫好學士 殊可不必其中閒引文弨所說今都不復省記 書中古字多出錢君獻之所改非藏本之舊也如贍作 书孫生1之生1人夫十 不無錯誤定不免爲通人所嗤安能 至是因幷題 經江陰趙文學敬夫 處亦據以改正可 湖 作耐充作流讓作攘霸作伯憾作感施作收之 題 太史 履織博引詳證足稱善本非余 張 之象 本 數語歸之庶 注 永 鹽 、暖明杭! 鐵 绯 旭 調善本矣力耕篇故乃賢之 論 知余別有校 、典校 不沒其所 庚子 州孫侍御詒 勘增多九十餘字 É 本託爲傳之 正之廣陵 榖 志 且傳 杣 其

賢而 抱經堂文集一卷七 **阼**篇有 刺 政 傳中所云長安宿豪大猾東市賈萬 大典作故 白 憂璧飾大典亦同要字無所考余疑惡憂當作惡 復篇云今當 叔 南呂覽諸書惟 不必盡 疑其 行城文 近 也 云 獿 致 夒 乃萬賈之富余疑萬當作 贝 淌 古之善塗壁 **蚁朱子之解** 子椒之 明人 泥之俗閒本調作擾阻二 世 耳 工在位 出當篇 至於 意大 張之 者 人之名字或有異 金泉注 者亦作獿字大戴禮 典子椒作 自當有本至散不足篇有 旣無燕昭之 此書 西市 頗稱詳悉而 子叔货 下 七 字 萬 同 即漢書王 古書 ,知此 章者 一鹿鳴之 即孟子 武 皆然 作 业 所 王 另 夒 常

严 考其 者率資為助而工始完始余所欲校梓者以 斷今此書或 書之 尚多其中容亦有可疏通者安得通 刷之 隆丙午之歲為 未經校正故 所引諸書 西京雜記 直的賸給數金思小書可以易訖工者有向 談無所舉正音亦多譌此微為短也 新 雕 西京雜記緣起 為字觸 為晉葛洪著或以 因以授之費尚不足鍾山諸子從 同年謝少學東墅校梓荀子旣竣計 目皆是有沈君名 未 (為梁吳均 偽撰而 人更為之 同 漢魏爲 家 刻成後 諱字 醇 亦 當 解 限

古氣要未可與漢西京好則其不出於均又明甚隋書 也洪柰何以一小書之故至不憚父人之父求以取信 THE PARTY AND A SHARE OF 本傳知其亦必不屑託名於鑑歌且均之交卽俊拔有 於世也邪若吳均者亦通人其著書甚多皆見於梁書 臣以為非至尊所定家君作彈棋以獻此歌謂向家君 之果出於鐂軟别無可效即當以葛供之言為據洪非 鐂向前向校而傳之後人因名二書爲鐂向著今此書 梓為余則以此漢人所記無疑也說苑新序其書皆枉 供且入之地理類似全未寓目也夫冠以葛洪以洪鈔 經籍志載此書於舊事篇不著姓名新舊唐書始題葛 不能自著書者何必假名於歌書中稱成帝好蹴踘建

花彩堂 **所薦爲武學博士** 以爲本さ 疑向歌父子不聞作史此又不然歷朝抵造良然成編 其見於洪之序者如此本不謂其父子皆當作史也 而傳之猶 自撰 振孫書錄解題 云百卷特前史官之舊向傳之歌歌欲編錄而未成 一為賦廣 一字不同未詳孰是此書名春渚紀聞春渚與韓 凡虛文可以偽為實事難以空造 題春渚紀 一翻歌則吾亦從而翻歌之耳又何疑焉 說苑新序之稱鐂削固亦無害其文則非洪 川王之發冢藏所得登皆虛邪至陳振 云何遠浦城人自號寒青老農東 聞丁未 日去非者其父也今案其書題韓青 如梁王之集

惠於此者然所言實足以為貪夫之戒毛氏汲古閣曾 也經堂大東一般七 |舊梓本作此書者安定皇甫枚也校在唐懿宗咸通末 以之付梓第九卷中缺一葉毛黼季後得宋刻始補 青皆其所居之地名默其曹十卷中 此書同里湯秀才典三於故書叢殘中得之以示余乃 未歲四月二十三日鍾山書院長東里盧文弨遂題其 **葢其溯源所自見聞為最確也末** 而不及入梓其鈔本尚有流傳者余過蘇州從吳秀才 土朔鳳粲頭假歸而傳錄之不見有舊人序乾隆 二水小順題解王子 一卷記丹藥頗亦似 卷皆東坡事質 垂戒亦深切矣善讀者當以是求之又案天佑庚午唐 以崔氏之罵賊被殺此與歐陽傳長樂老而以 載烈丈夫 姚何以 佑庚午歲旅食汾晉為此書此必見校之自序中不然 以弁諸首庶尤完善也此書雖多仙靈鬼異之事然所 而知神靈不可褻顯紀嚴郜事而知婦女不可入廟其 妻封夫人皆稟稟有生氣郟城令週賊偸生而下卽繫 形意亦相似可與可觀有裨世教又如紀夏侯順事 可考者也明嘉靖閒吳中姚樗老鈔是書謂枚於 AN AND VINE AND AN 州魯山縣介信宗之在梁州赴調行在此皆見書 知之此序余未之見世倘有見斯序者幸界余 如遙漢勛烈婦人如李庭節妻崔氏殷保晦

清仲言之所著也朱人於本朝典故前輩言行率能 慈寧 前甚為李仁甫尤遂初諸公所稱賞其言無私軒輊 談得之見聞者爲多於眾座中偶舉舊事了了如 揮麈有三錄其十八卷又餘計一 意仲言為雪溪先生鈺之次子家庭之緒論資客之叢 亦可見此書烏可使之無傳乎 犯型とと食べたと 為世所貴重如此仲言有兄名廉清字仲信年十八著 **刊以為** 一四年矣時晉猶稱天佑而枚亦稱之其不臣一 ·殿賦而今賦葬收此篇署其名為王仲言見此書 國史之助實錄院牒泰州錄其書則在當時 揮麈 一錄題 解 乙未 一卷南朱時汝陰王 在 故 明 E

中華当りをア 鈔此書為其語駁雜多刺人之短非長者今年復 無恙也未幾而分飛矣又逾年伯庸亦下世始余 **余病趴金陵城南小樓中以此書作消遣時樓中人尙** 其餘尚俟續訪冀或得之 書見故 脫誤不及是本之完善況三以校雙之功不更善之善 書江陰楊伯庸敦裕所 傳多非足本唯此書爲全余是以先錄而藏之 知其誤仲言所著尚有玉照新志投轄錄等書外 大凡君子立身不能使人 八手迹班班其勤亦不可沒且稗海中此書多 題癸辛雜志乙未 校畱余篋三年矣前年六月 、無毀而不當自授 無意 繙

野也が完全人主に民たい 對狀夜語五卷其前題著書人姓名則孤山人花晞文 隆四十年六月 此者亦可以自警故余復為之訂正數字而錄之嘅伯 景文也有馮深居去非序首云景定三年則知其人 惟腹知之而已自今余第級置之亦不忍復讀矣 今常州靖江縣東北一 庸之不及見也而當時相與即即足足於小樓中者亦 可議之隙舉動之失旣以昭著鳥能望人之 合始可陸行立縣亦在此時舊則江陰縣之地也余杭 也孤山之在錢塘者則以林和靖著而此孤山 對牀夜語題辭 一十里山向在江中明成化時沙 Z 未 掩覆耶 則在 乾

額成 揮 推之 僅三卷奪於他事不果再逾 速有宋各有論說或取其意之相師解之相類者而 於吾友江陰趙君敬夫之言也且余所見本實江陰 南通志亦不載則漏 所為样也是則可信也浙江通志不載此書乞也乃 オ系ドニンイン 汗為此不急之務也日天時正炎君子室自愛乃 月坐金陵城南之 不以為吾邑之孤山而以爲江陰之孤 之浸置篋中今將裝治之使成快復披覽 不入於腐不涉於刻斯其所以可取也歲在癸巳 然而歲已再閱也讀書中所引安仁文通樂五 也其書則詩話之類也自三百 小樓手鈔此書余婦季楊見余之 月余婦丛後二卷令他 山何後平徵 再 衡

碧血 一錫高景逸江陰李仲達也六先生之集世多有而此 應山楊大洪嘉善魏廓園嘗熟顧塵客江陰繆西谿無 建萬郎中燝以下凡二十有一 燕客所自為傳隱其姓名故曰燕客天啟五年聞六君 皆被逮以後及獄中之筆也其後附以天人合徵錄有 悼亾之句 **馬遺蹤** ことが、人に対している。 有一 鮑君以文考拉景文實杭人今不廢此篇以 一時情景不忍沒也自記 編紀明天啟時死奄禍諸忠也前列其目自 碧血題解 彌難爲情放翁有句云此身行作稽山土 惘然余亦意能自禁也 耐 Ħ 人次載六先生遺書 /拖余櫃

取容於是以古今未有之慘毒不以加諧元惡大憝者 恐其毒之不至不足以快奄之意不足以自躺於奄 救者也卒之勢不足以抗而甘以身為殉彼**在**黨者唯 桐 才 于之獄與乃走燕變服雜北鎮撫司獄卒中得其遺 國之無亾也不可得矣六君子者楊魏顧三公外一爲 札 是皆愛朝廷嫉權奄不顧其身而冀萬一之可以挽 著為是錄也東里子讀之而數日處乎世事至此欲 乃以施於諸君子之身呼號宛轉而君不聞 城左公浮邱一為武定袁公熙宇一為南城周公衡 発生ラターオ 君不知斯時之天下 且備 見許顯純以非刑楚毒諸君子而致之死 一昬暗鬼彪之天下 也 皿 肉狼

以為典茲祕獄外廷莫聞而孰知其諂附惴蔥之形 考明史熹宗本紀 稐 事而竊國命則奄何能爲附奄者亦何所利而爲之 其恣睢殘酷之態卒亦有勞觀者為之繪畫迫其身 **膺顯戮而其醜名仍流播於天下後世而不可拖雖** 月 不幸哉書後又附天變雜記但云五月六日不著 消 此輩者不能必後世之無有惟在人君不使之與政 乃驅除其不為奄者而使之盡為奄也正氣摧殘公 **双五行志火炎內所書** 王寅朔厚 沮 蟲據腹**189**/... 載門火神廟紅毬滚出與此皆合但紀 而身危淹持權而國壞易世而凸豈為 天啟六年五月戊申王恭爾災死者 加詳又火異內則書六年 何

抱經堂文集《卷七 發猝然而至不應中閒睽隔數日似當以此記為是又 末則有未能深知耳是書足以備監戒動感發故錄之 忠題云黃煜南次予以為當即其人姓名唯其邑里本 自云通天文兵法其人葢亦竒傑之士而是書首列諸 有人變述略則紀蘇常一郡民憤擊殺提騎之事燕客 戊申志 史糾二卷書史異同三卷新舊唐書異同一 此明季太倉朱明鎬字昭芑 司 史糾題解乙未 作戊申 、史刹祗分上 |卷子所定也 作王寅朔而此則丁未也炎異之 兩卷其書駁史筆之違失者 之所著也案千項堂書 一卷今此

吾洲 是節· 吳咸林之 涉之是謂史糾其兩異同附載於後者寥寥益無幾矣 事詞之紛岐文采斐然條理秩然讀之頗快人意此當 見然就 北周等書南北二史新唐書宋史而止遼金二史閒 本錄焉宋書謝晦傳有兩庾登之而昭岂誤以爲是一 可知書史之異同下有注云文多不錄錄其有議論 此 則節 探訪 始千慮之 本始於三 而取之亦不可謂舊人之過矣余是以即 此本讀之亦尚有全錄裝松之之語者有採 糾 進 繆王浚儀之国學紀聞者則元本汎濫 國志無晉書而有朱齊梁陳北魏北齊 呈 失也昭芑為本州儒學生當闡賊之 一書內所載亦同其元本殆不 可得 據 者

抱經堂文集《卷 無幾 此 陷京也有悲憤詩云銅馬連羣壓帝幾百官猶 晉隋 明史校之 非東華父老吞聲哭誰 志稿傳 風史游史嘉史芸史異史最史俳史鑒史燦史糾 絕意進取年四十六卒鎮洋志載有史冊史 及無卷 三種而 耳志 志兼補 題 史糾 明史 稿 數 是 所分門類多有刪併移易之處史於書不甚 者 温陵黃虞稷愈郎氏所纂輯今以 自南宋 特精 藝文志稿 Ŧ 俱削之黄志中小注寫史所採入者亦 及遼金元之書俱搜輯殆偏 斲 遗 癸巳 則 桐棺覆玉衣 而今以 古四 見於明詩綜 《幾史 是殿廷 此 頒行 後

乏ピ 此 年以為先後取便於檢尋耳宗藩與宗室離而為一 閒有移易堂名千頃固黃氏所以志也然今之書直 書其前以還之 條間公所撰非黃氏也 失體裁 書買所 抱經堂文集《卷七 恐 幸也外間傳有干頃堂書目與此志大致相 志 本力不能重寫但取以校書目改正不少旣畢校 稿 此 一安得有力者將此 尚有 為郡縣志幾於 而 別集類於 莊香塍古文葬鈔補題 小注 脱筋 又爲鈔胥任意刪減盍失黃志之舊 余先鈔得書目後從朱君文游借得 羽流外國亦俱缺如篇第亦閒或頭 所撰非黃氏也 無所不載別集各就其科第之 四代書目別辟之以傳亦學者 十五 倪 同而 俱

洋洋 可於 戍 鐘 是有為質性魯者 又 总 今文之 足以暨常 **恆而擴充之者若** 往往各有其性情之所 行而 鼓筦也不同器而皆悅於耳查梨橘柚不 所 李 将 授讀葢叉有軼於幹鈔之外者昔所熟誦 П 流傳多矣學者豈能 此 轉而為後 大觀矣莊 門又有蔣君新又之古文索鈔凡十卷庶幾 天 人之所求文之選亦循是也自周素以迄 下 人
さ 桐 君香塍幼而聰穎承其尊人 計則其所擇而 所 訓 川兪寧世荆谿储 也官齋多 同也然而洪纖殊致 主以之自怕悅則可 **敝敝焉福觀而** 暇手自 選者主平約有嫌其 同人之選今皆 熟讀之 甘 同味 愛堂 酸異定 又 久未能 而終不 丽 诣

羅之富採掇之 情而更無未醇未備之威矣是舉也不忘先人之教孝 卷 也 之繁會 簡質者有華腴充悅者或幽深奇峭或紆餘坦逃春 乎大篇寂寥兮短章惟是是歸有美必登鏘鏘乎八 弨 秘 以教子姓使不囿於聞見義 巡迫しまし 中 於世閒 借忠也有此三善是當表而出之因不但服其搜 書 **业津津平五味之芳嘉也此可以通天下人** 選其十五卷於是文之體裁無一 書拾 日主 技藝 勤 北平黃崑圃先生家退直之暇茲事 補 色七 小引 而已也余故樂為之弁其端 無所能童時喜鈔書少長漸喜校 Ţ **地出以公之於八而** <u>Ľ</u> 不備有高

廢也 諷 界漸 然有所失 余受之皆未嘗哪也意亦怦怦有動於中輟之遂覺關 志者也子何好焉 患 也友 温 所校之書勢不能皆流通于世其藏之久不免朽 耳岩 其長君雲 取 則 多當舉數 人有講求性命之學者復謂余此所為玩物 子所為書幷受益矣余洒然知其匪譽而實 斯實性之所近終不可以復反自壯至 一雖自有餘奚稱馬意莫若先舉缺文 生之精神虛擲旣可惜而謬 門時為侍御史謂余日人之讀書求已 1 冊付之前 以傳諸 斯兩言也一則微而婉一 則以傳 **副氏矣年家子梁曜北** 本流傳後來亦 則簡而 腳 老 簡

劉隨 書於鍾山書院時年七十有 世庶余之勤為不虚也已 也然余手校之書將來必有散於人閒者則雖無量於 己寧不少有靈於人乎後有與余同好者而且能公諸 **欲悉為標舉之又復界幅難勝約之又約余懷終未使** 書費省 題日文 **朋所助**次第出之名日羣書拾補雖然印 B 州文集 異皆備著馬然後 集何義 一而功倍宏若可為必余威其言就余力所能 劉 • 随 TQ 州文集題辭了 門氏以朱本校正如此其卷之起訖 卷其前十卷皆詩也後一 卷有目而無文余案其目求 乾隆五十二年八月丁巳 酉 卷文而總 書之譌 友 III

抱經堂文集不卷七 吐 席曆萬刻唐人 朱利不必皆住而此則楷法端謹為七難得向枉 固不及院花翁之博大精深年籠粮美然其含情 之僅於文苑英華得四篇錄之他尚無從考也隨州 推 者其必樂考於斯矣 者可不唯善本之求而但沿流俗之所傳乎有志 同異究不及是本之精夫一字之不安通章之病 解委宛緒纏緜而不斷味涌泳而 為巨擘狀體皆工不獨五言為長 題 所公撫三吳時先外 宋板施 詩百家以隨州為首雖其詩差備然 一蘇詩 庚子 ŧ 祖馮山公先生與毘陵 愈旨子美之後定 城也近時吳郡 悱 D 側 邱 風

遺 愛而 胞変生文集で後じ 時時遇之 赴節 府讀之 日杭東里人盧文邓書 本歸 山詩渾雄沈鬱有唐大家之嗣響也老來更得其 Ш 生當 也亮以清使竹 **緬惟舊澤對之|不覺生敬** 湘 一先外 妍 遺 於同年友大興翁覃溪所一 越 易代其詩不勝故國故君之思今樂府 朱竹垞黃愈部 雅 山樂府題 吳朔 丽 祖與校醬馬 不淫 山諸老咸在幕府宋公得此書途 山草 辭 和易而不流其抒情也婉以 て未 所 窗踏公見之亦當推為 又 川為補遺三 見本俱祗二 乾隆庚子頒來歲朔 披卷不獨古香 十八 一卷今此 卷附其後 中 暢

所借 趙秉文促 著其事焉 四首 補錄以繫於後至 首背 皆在馬 本之多然是 出於義 ź 有 得 及 パニ・ノイフライク 化 勝應之 明 王華谷古仙人詞 人之 扩 凌本詞之屬遺山者祗 比是本增多十三首又附見李冶仁鄉之 初錢塘凌雲翰彥翀編選之本 門何氏卷帙過倍而竹垞 醜 作誤關 奴见 作而其中 本第五卷清曉千門開壽宴以下 如雁邱嗣雙葉怨之類亦得凌本 則亦未得為全書也繼從友 首余因疑第 春 焉者矣第二卷 一首後又有雷淵題語今 垣秋草 百二十首 詞綜所選顧尚有 首注 卷滿庭芳前 ıþ 則凡詞 見手 附 人鮑 制 固不 稼 開 徐 解 所

亦 山解 者余又錄於五卷之後為補遺矣而復鈔此何也此道 好事者為之削劂余當 之朝秋之夕縣佳客於一 **翀氏所編選不分卷雖甚簡約然亦有出於五卷之** 則 **元遺山詞五卷余旣以盡鈔之矣此為明初錢塘麥彥** 抱經堂文集人卷七 開 不別其人疑皆轉寫脫去其他不及考者尚多為有 同座主閑開公賦則前首為趙作明甚旣不著其題 開公作也以其詞推之所賦是十月牡丹次首 之而永馬情有不怡則融之而釋馬便觀覽資 之精華也有五卷以萃其全有此選以標其雋 遺 山樂府選題解乙未 更整比以授之 栩懷故人於千里意有甚 龙 外 題 春 漪

有柘. 来杆之 義必出於此然抒實行之 傳云君子之居 以來諸詞人之作必大備 氏之寫本也 薦授成都府教 於 諷 大澤衣裘 傳也彥翀在元膺鄉薦為蘭亭書院山長洪武初以 莫若此選也安且吾鄉前輩之所甄綜也不可以莫 可以 軒集五卷余未之見是書本出裘村樓蓋 可連文者 覆言抑莊子山木篇有云孔子解其交遊 汪氏多藏書有詞綜之選其所得朱金元 褐食杆栗入獸不亂奉入烏不飢行此 也級岩安裘晏若覆籽汪氏之名所居 授此書題前鄉頁進士不忘元也所著 而義則遠矣夫寧取於是乎 一誤村郎孟也覆之乃安若 而今散失者已多矣韓詩外 桐鄉汪

逐謂書畫之外皆可薄也茲適成其為偏岩之醉而已 說越徒與不足以傳而幸有書畫之足以名家故傳乃 者此亦如數富家之遺齒於我奚裨馬然其所言要可 矣古今成物必無不毀米老所見多有今人所不及見 耶後之人撫遣文而咏歌之過墟而憑弔之豈區區實 **繒為人所珍重得以流傳至今也古來盛德豐功死而** 藝非能重人也人茍重矣有藝而藝亦重無藝而人亦 不朽其英光固常在人耳目閒豈待披圖展軸而始見 鈿瑞錦之什襲珍玩為足較其勝負耶如米氏者風 不加輕越哉米氏論唐五王之功業不如薛少乐之圖 米襄陽畫史題解了

花紹堂文集 卷七 後者當補而幷當遠沂之義頡矣吾獨謂未谷胡不見 也未谷或將別為 法者此特意之所到而已非謂昌明其道者止此數 坡者已有例而未谷不為此則誠妙事 未谷通說文學去許君于載猶且暮也屬羅山人為作 以為評監家之標準且五穀不熟不如實稱亦足以 己於其中以為之主人平近代詩人之圖少陵香山 圖 圖許君并圖江式而下七人皆如漢經師之恪守家 無所成者偶得善本途傳錄之 題桑東愚先生松林采藥圖端展辰 為性明經末谷馥題說文統系圖展子 青以明淵原所漸則不惟在許! İ 媿

年之 |孝子年老棄學治生命伯得極意學學成世人 騁於詞壇藝苑之閒耳其學之 得而覩手 也左手三指 伯鮮知有仲也夫東愚先生特未嘗操三寸不律以 盈今尺尺有餘寸世遂目為長甲翁孝子精於醫先生 少多病壯歲目幾枯然善自養於世無爭也於物無嗜 グジン 史 1 自皇帝以訖勝國校其得失成敗之故目 女汉師事馬仲東愚先生當學於先大父 伯弢甫先生文行著稱於時兄事先君子文 友桑孝子文族翁古篤行君子 可得而指 甲長 而不翦積於今三十有餘年甲之 也世之 習舉業者往往愧之先生 勤固有過人者熟於編 ·也孝子 但知 馳

14717

.

1

. 4.7.4

推經堂文集 交最深先君子少壯之年與弢甫先生相厲以學其於 也於是向之 風 年向六十屬善繪者爲松 文 少宗伯首為之妹國中屬而 其傳 可作矣子其述之不孝聞言嗚咽先生與余家兩 者壹 子所 固 **邓日子先君敬甫先生嘗見是圖許爲之文而** 以壽先生有昆命 不若弢甫先生之 世人求其治病多有驗然未嘗取利 朝 不顧先君子常 知伯者 夕遊處者惟 一卷七 E 知有仲云先生之子公備 一親也近年弢甫先生常 先生親 謂孝子兩 林采藥圖以寄意天台齊 兩脈之 和者將百 「喻得其清淑者弢 人有以形迹之論 子皆賢子也前 十數而未 名於時 出遊 經 也

與文邓善庶幾能篤兩世之交者不知其不肖而屬爲 先生名鼎元居城東隅以東愚自號亦所以志也公備 子兹言之陋也 先生也得其敦龎者先生也噫不孝其惡能易此言乎 題其端噫使先君子而在當何如發揚盛美者登若 抱經堂丈集不卷七 其經理之規成勒諸石使後之人觀感而這恢廓之益 不僅望其能遵守勿笞而已也余師桑弢甫先生旣為 二百畝矣易代而凸之謹 山趙謹凡先生為前朝文毅公之後人公嘗置祀 、僅復其半爲其成之難而失之恐易也自爲記 題虞山趙氏增置祀 凡與兄鹽山謹承先志節 田碑記

當見大有基而壞者多矣皆由其族鮮讀書人之故吾 是以有云 則必 文以發揚之矣余無似曷以 伏處者亦不待禁防而自恥為侵削之計趙氏望族 士之子恆為 而進 也望後人之賢則在乎讀書識義理其達而有祿 居百里初 同年友鳥 能繼前人之志而不徒爲宮室妻妾之謀其窮 題嚴葆林香照圖後乙 一說馬欲 程 嚴 山東之蒲臺兼攝商河凡治水패災 則 君葆林今之循吏也文學實過 與田相輔 田之能 世守且宣增也此 加諸無已 而行者其亦知務乎葢吾 圳 則以 以賢望

抱經堂文集《卷七 去左右頃以示余余深憾知君之不盡也讀其自序慨 別去後 之疾未能也此圖凡十幅自讀書靈山以至調任曲阜 役諸善政余欲爲詳述之以上於太史氏今適有河 然增慕焉圖名香照取香山寫眞詩序觀今照昔語 馴絕無虛憍之氣余與君楊下 有遺腹子 酉之歲余為廣東主考官已事而反新驛程五十 生平歷履藉此可見圖皆有小序君所自紀也交筆 君自幼雯白香山詩卽巳工是體其吟詠自必廢然成 孔林而君適為其縣宰相見雕甚以于役有程匆匆 聞君擢任桃源同知旋告歸皆不在此 章傑年已二十有二矣能讀父書此圖常 一別中閒了不聞問 重 圖中 里 溺 雅 魚 也

集異 也 圖 為憶 舅氏張端甫先 也 知也 娛侍老 名之 性至孝其宦於吾 板奥游 日尚當從其子索見之 既 幀 **西有以** 四時 順各當 而乞 日 尋樂 四時 湖 不必減養而樂亦無不具足也 師 知先生之意矣大凡外境之交於前 Ш 蒋 家有園池之勝指撝僮奴澆花洗竹 圖 生頃自其里中歸為交弨道先 閒 樂圖尋之者誰海虞席 題 月月各撮其景物之勝不 太夫 鼾 嗣 浙也奉 荆 境也 腘 太夫人以來春秋佳 而樂之而先生之 一所農 然則奚尋 必其 先 相

真樂耳今之十二 過之未有不神怡者然而樂緊乎物境過則遷斯猶 馬於是面水關軒顏日四蓮池取工子年記中語以為 吾杭許氏建宗嗣於城東隅其地近古荷花池探水匯 不樂並不見其可樂也即或境能移情風日之研 **焉於是面水** 圖斯境也幻吾則以為先生之有斯樂也眞 孔顏之樂不必相同而亦何必不同故先生之自 水之清嘉也魚鳥之親人也花藥之粉敷而猗靡也 先生之所謂尋者意實不繫乎物而自有其真樂者 一堂拜慶繞膝承歡所尋之樂孰有過於是者此較 四蓮 池 題 一圖先生之所謂樂也人皆可得 額 庚辰 四蓮池取王子年記中語以

抱經堂文集《卷七 **望其子孫之眾多更望其皆賢且才各有所成就以** 表見而不為世所棄亦如蓮然然則他日許氏合族 子姓繁衍之徵抑吾更有說焉夫蓮之爲物其莖其葉 本其花其實其根無不爲人 糾堂文集卷第七 斯題也其必思無負斯語也夫 弟子江陰王 、取資爲者為 璋秉政校 加父